

KONEKSYON

Yon Bilten Enfòmasyon pou Paran Lekòl Leta Miami-Dade County

MAS 2019

Bilten 11, NIMEWO 51

SA KI LADAN:

- Pa Kanpe, Jis Rele
- "Alumni Hall of Fame" (Lis Ansyen Elèv Selèb)
- Aktivite Lekti Atravè Etazini

PREZANTASYON PWOGGRAM DANS SIPÈENTANDAN AN



Pandan plis pase 30 ane, Prazantasyon Pwogram Dans Sipèntandan an ap pwomote ar dans nan lekòl leta nou yo. Plis pase 350 elèv patisipe chak ane nan evènman anyèl sa a. #ArtsinourSchools

BAY PITIT OU A YON BON DEPA NAN LEKÒL

'Head Start' se yon pwogram devlopman global timoun, leta federal finanse, pou sèvi timoun fanmi yo pa gen gwo mwayen ki pral gen 3 oubyen 4 an 1ye septanm 2019 oubyen anvan. Pwogram nan gen ladan timoun ki gen andikap e ki ap resevwa yon gwo varyete sèvis pou devlopman yo. Yo baze elijibilité pou Head Start sou salè fanmi an oubyen anba nivo povrete federal la. Peryòd enskripsyon pou ane lekòl 2019-2020 an ale jiska 10 me 2019. Fanmi yo ka aplike nan



vizite nenpòt nan 34 andwa Head Start Miami-Dade atravè konte a e ranpli yon aplikasyon. Yon lis lekòl ki ap patisipe yo disponib nan

<http://headstart.dadeschools.net>

DAT AK ENFÒMASYON ENPÒTAN

25-29 mas

- Vakans Prentan

11 avril

- Jou pou Lekòl Segondè Lage Bonè

19 avril

- Jou pou Pwofesè Fè Planifikasyon

9 me

- Jou pou Lekòl Segondè Lage Bonè

REYINYON KOMISYON KONSEY LEKÒL

17 avril

10:00 dimaten

Sesyon Konferans:

Zòn Prezans pou

2019-2020

11:00 dimaten

Reyinyon Regilye; Lekti

Inisyal - Zòn Prezans pou

2019-2020

8 me

10:00 dimaten

Odyans Piblik sou

Materyèl Enstriksyonèl

11:00 dimaten

Reyinyon Regilye; Lekti

Final - Zòn Prezans pou

2019-2020

PA KANPE, JIS RELE



Yo kreye Kanpay "Don't Stall, Just Call" (Pa Kanpe, Jis Rele) a pou sipòte byennèt elèv nou yo.

Elèv nan DASH te kreye yon bèle afich ki gen lis nimewo telefòn anonym gratis pwogram Prevansyon Nasional Suisid la, Asosyasyon Nasional pou Moun ki Gen Twoub Manje, Rezo Nasional kont Vyòl, Abi ak Ensès, Depatman Sante Florid ak 'Crisis Text Line.' Afich la raple elèv yo gen konseye ki byen fòme sou kanpous la si yo bezwen pale avèk yon moun fasafas. Nan ofri nimewo telefòn ak tèks nan kabinèt twalèt yo, elèv yo konekte avèk òganizasyon ki repite e etabli ki ka ede yo avèk defi y ap rankontre. Yo te distribye afich sa yo bay tout lekòl mwayen ak segondè nan kòmansman ane lekòl la, e moun ka jwenn yo kounye nan tout kabinèt twalèt atravè Distri a.

DON'T STALL, JUST CALL.
NO MORE STALLING
Struggling with depression or suicidal thoughts?
305-358-HELP
National Suicide Prevention Lifeline
Dealing with an eating disorder?
1-800-931-2237
National Eating Disorders Association
Struggling with sexual harassment and/or abuse?
1-800-656-4673
Rape, Abuse & Incest National Network
Questions about sexual health or identity?
1-800-352-2437
Florida Department of Health
Dealing with any crisis or just need somebody to talk to free of judgment?
Text HELLO to 741741
Crisis Text Line
There are fully trained counselors on campus to help as well.
You are never alone. All the numbers above are anonymous and toll-free.

Described by:

YO ENTWODUI PLIZYÈ ANSYEN ELÈV NAN LIS ANSYEN ELÈV SELÈB M-DCPS



Nan bati sou yon tradisyon pou onore ekselans Ansyen Elèv "Miami-Dade County Public Schools" (Lekòl Leta Miami-Dade County) yo te entwodui twa novo Miyamyen distenge nan Lis Ansyen Elèv Selèb M-DCPS yo an fevriye. Nouvo moun yo entwodui yo vin jwenn 31 lòt ki te antre nan Lis Ansyen Elèv Selèb yo depi li te kreye an 2012.

Emilio Estefan, yon pwodiktè mizik yo aklame entènasyonalman, e Ansyen Elèv Miami Senior High school, antre nan ran ansyen elèv selèb ki bay kontribisyon yo nan Sid Florid la e nan lemond atravè siksè yo nan Ar ak Amizman. Estefan genyen Prim 'Grammy' 19 fwa e li kreye kèk nan pi gwo etwal nan endistri mizik la, tankou madanm li, Gloria Estefan, Shakira ak Jennifer Lopez. Anplis, li se yon pwodiktè fim, ekriven, pwopriyetè restoran e aksyonè nan 'Miami Dolphins.' Li fè anpil don nan Sid Florid la tou atravè Fondasyon Gloria Estefan, ki pwomote edikasyon, sante ak devlopman kiltirèl. Dezyèm moun yo te entwodui nan Lis Ansyen

Elèv Selèb yo se gradye Miami Coral Park Alan Fein, ki te fè yon enpak ekstrawòdinè sou espò nan Sid Florid la la ak kominote atistik la. Fein te nan komite oriinal ki te mennen franchiz Miami Heat nan Sid Florid la. Li te ede kreye tou 'Colony Theater,' 'City Theater,' ak 'Adrienne Arsht Theater,' ki atravè inisyativ Paspò Kiltirèl la pèmèt plizyè dizèn milye elèv fè eksperyans pèfòmans teyat andirèk gratis. Fein te yon manm fondatè tou nan 'Key Biscayne Village Council' e li te alatèt efò pou elaji MAST Academy.

Ana VeigaMilton tèlman angaje nan ansyen lekòl li,

Southwest Miami Senior High, li te sèvi kòm "Principal TODAY" (Direktris JODI A) nan lekòl la ane sa a e l ap travay avèk administrasyon lekòl la pou kòmanse yon asosyasyon ansyen elèv nan lekòl la. Li te yon elèv ki te trè aktif, Premye nan klas li, e li te sèvi kòm Prezidan Gouvènman Elèv la, e yo te vote li kòm "Most Likely to Succeed" (Moun ki Gen Anpil Chans pou I Reyisi). Atravè travay li kòm Prezidan Fondasyon Jose Milton, VeigaMilton remèt kominote a plizyè milyon dola pou koz filantwopik, tankou bay lajan pou yon estidyo anrejistreman dènye kri nan 'Miami Arts Studio' nan Zelda Glazer.

Yo te onore tout moun yo te entwodui yo nan yon resepsyon entim nan kay Natasha Munilla ak Bart Bastian, yo te envite pou patisipe nan yon evènman kote elèv t ap pale nan Miami Coral Park Senior, e yo te onore yo sou podyòm nan, nan Gala Fondasyon pou Nouvo Inisyativ nan Edikasyon te fè ki rele "For the Love of Learning" (Pou Lanmou Aprantisaj).

**Lè kominote a gade
dèyè pou yo wè sa
mwen fè, mwen vle
pou yo wè yon moun
ki t ap defann Sid
Florid la, yon moun
ki t ap defann moun
ki ap viv ladan. Yon
moun ki ap defann
Miami.**

--Ana VeigaMilton

SIYEN JODI A POU KOUS POU EDIKASYON!

Nou a mwens pase yon mwa de 4èm Defi 5k Anyèl Sipèèntandan an pou sipòte Lekòl Leta Miami-Dade County! Vin jwenn ak plizyè milye elèv, paran, edikatè ak sipòte nan kominote a samdi 13 avril 2019 a 7e dimaten nan 'Muesum Park' pou yon matine ki ap gen kouri, mache ak konpetisyon amikal nan benefis lekòl leta nan lokalite nou an.

Kous 5K (3.1 'miles') la ap kòmanse e fini nan 'Museum Park' sou Biscayne Boulevard. Wout la ap fè direksyon lès sou MacArthur Causeway, ansuit l ap vire alantou Watson Island avan li retounen.

Adilt ka enskri kòm moun ki ap Kouri/Mache avèk yon frè enskripsyón \$30.00 + \$3.03. Elèv gen twa opsyon pou



yo chwazi: 5k, Kous 1-'mile', ak Kous pou timoun nan laj 2-9 ane. Opsyon enskripsyón pou chak timoun se frè enskripsyón \$10.00 + \$1.68. Patisipan yo gen opsyon pou enskri endividyleman oubyen antre nan yon gwoup ki deja egziste. Enskripsyón ouvè kounye a nan: <https://www.athlinks.com/event/superintendents->


[5k-challenge-race-for-education-167578](#). Dat limit pou enskri se 5 avril 2019.

N a wè nan fen kous la!

FÈ LEKTI ATRAVÈ ETAZINI



Elèv nan Akademi iPrep soulieny enpòtans lekti! Lekòl atravè distri a te envite manm nan kominote a, paran, ak anplwaye distri pou yo li youn nan liv Dtè. Seuss yo pou elèv. "Read Across America Day" (Jounen pou Fè Lekti Atravè Etazini) se yon pwogram motivasyon ak sansibilizasyon anyèl sou lekti ki selèbre lekti nan jou nesans Dtè. Seuss.



www.dadeschools.net

MEDYA SOSYAL



@MDCPS
@MiamiSup



@MiamiSchools
@AlbertoMCarvalho1



@MiamiSchools
@MiamiSup



@MiamiSchools

Rete konekte avèk Lekòl Leta Miami-Dade County. Asire w ou suiv nou sou medya sosyal yo pou dènye nouvèl ak enfòmasyon konsènan distri lekòl la. #MDCPSConnects

Komisyón Konsèy Lekòl Miami-Dade County, Florid

Perla Tabares Hantman, Chèmann Doktè Martin Karp, Vis Chèmann
Doktè Dorothy Bendross-Mindingall
Susie V. Castillo
Doktè Lawrence S. Feldman
Doktè Steve Gallon III
Lubby Navarro

Doktè Marta Pérez
Mari Tere Rojas
Alberto M. Carvalho
Sipèèntandan Lekòl yo
Josh Rios
Konsèye Elèv nan Komisyón Konsèy Lekòl la

KONSÈY SOU ENTÈNÈT POU PARAN:

Primè

Estrateji Etid pou Ede Timoun
<https://bit.ly/2TRkbE8>

Segondè:

Pwomote Amitye Pozitif
<https://bit.ly/2CiylfNe>

Se yon Pwodiksyon Biwo Kominikasyon an

Daisy Gonzalez-Diego
Ofisiye Anchèf Kominikasyon